

AME (ICT DTCA)
11/03/2018

গণপ্রজাতন্ত্রী বাংলাদেশ সরকার
সড়ক পরিবহন ও সেতু মন্ত্রণালয়
সড়ক পরিবহন ও মহাসড়ক বিভাগ
তদন্ত ও শৃঙ্খলা অধিশাখা
www.rthd.gov.bd

নম্বর ৩৫.০০.০০০০.০২৮.২৭.০১৪.১৭- ৭৭

তারিখ: ২৪ ফাল্গুন ১৪২৪
০৮ মার্চ ২০১৮

প্রজ্ঞাপন

যেহেতু, বেগম জোহরা সুলতানা (৬০২২০৩), সহকারী প্রকৌশলী (সিভিল) (সাময়িক বরখাস্ত) {প্রাক্তন উপ-বিভাগীয় প্রকৌশলী (চলতি দায়িত্ব)}, সড়ক ও জনপথ অধিদপ্তর, প্রধান প্রকৌশলীর দপ্তর সংলগ্ন ছুটি, প্রশিক্ষণ ও প্রেষণজনিত সংরক্ষিত (সিভিল) পদ, ঢাকা এর অনুকূলে প্রধান প্রকৌশলী, সওজ অধিদপ্তরের সুপারিশের প্রেক্ষিতে যুক্তরাষ্ট্রের The University of Memphis-তে M.Sc Program-এ অধ্যয়নের নিমিত্ত এ বিভাগের ১৬-০৭-২০১৫ তারিখের ৩৫.০২২.০১৫.০০.০৭০.২০১০-৫৫৭ সংখ্যক প্রজ্ঞাপনমূলে ২৫-০৭-২০১৫ হতে ২৪-০৭-২০১৬ তারিখ পর্যন্ত ০১(এক) বছরের অধ্যয়ন ছুটি প্রচলিত শর্তে মঞ্জুর করা হয়। পরবর্তিতে প্রধান প্রকৌশলীর ২৬-০৭-২০১৬ তারিখের ৭পি-৬৩/২০১০-৯০৪-ই সংখ্যক স্মারকে তাঁর অধ্যয়ন ছুটির মেয়াদ ২৫-০৭-২০১৬ হতে ২৩-০৭-২০১৭ তারিখ পর্যন্ত ০১(এক) বছরের জন্য বৃদ্ধির প্রস্তাব করা হলে মঞ্জুরীকৃত অধ্যয়ন ছুটির (গ), (ঘ) এবং (ঙ) নম্বর শর্ত ভঙ্গ করায় এবং ছুটির মেয়াদ গত ২৪/০৭/২০১৬ তারিখ শেষ হলেও কর্মস্থলে যোগদান না করায় তাঁকে ৩০(ত্রিশ) দিনের মধ্যে যুক্তরাষ্ট্র হতে দেশে প্রত্যাবর্তনের জন্য নির্দেশনা প্রদান করা হয়। কিন্তু উক্ত নির্দেশনা সত্ত্বেও তিনি ৩০(ত্রিশ) দিনের মধ্যে দেশে প্রত্যাবর্তন করে কর্মস্থলে যোগদান না করায় তাকে গত ১২-১২-২০১৬ তারিখের ৩৫.০২২.০১৫.০০.০৭০.২০১০-৯৫৭ সংখ্যক প্রজ্ঞাপনমূলে ২৫-০৭-২০১৬ তারিখ হতে চাকরি থেকে সাময়িকভাবে বরখাস্ত করা হয়। তিনি কর্মক্ষেত্রে যোগদান না করে বিগত ২৫-০৭-২০১৬ হতে ১১-১২-২০১৬ তারিখ পর্যন্ত কর্মস্থলে অননুমোদিতভাবে অনুপস্থিত ছিলেন;

যেহেতু, তিনি ১২-১২-২০১৬ তারিখ হঠাৎ করে প্রধান প্রকৌশলী, সওজ অধিদপ্তর বরাবর যোগদান করেন। যোগদান যথাযথ প্রক্রিয়ায় না হওয়ায় পুনরায় ১৬-০১-২০১৭ তারিখে সড়ক পরিবহন ও মহাসড়ক বিভাগে যোগদান করেন। দেশে প্রত্যাবর্তন ও কর্মস্থলে যোগদান করায় এ বিভাগের ০১-০২-২০১৭ তারিখের ৩৫.০২২.০১৫.০০.০৭০.২০১০-৯৩ সংখ্যক প্রজ্ঞাপনমূলে তাঁর সাময়িক বরখাস্তের আদেশ সরল বিশ্বাসে সরকার প্রত্যাহার করে নেয়;

যেহেতু, তিনি M.Sc Program টি সম্পন্ন করার জন্য ১৮-০১-২০১৭ হতে ৩০-০৮-২০১৭ তারিখ পর্যন্ত শিক্ষা ছুটি মঞ্জুরের জন্য ১৭-০১-২০১৭ তারিখে আবেদন করেন। উক্ত আবেদন মঞ্জুর হওয়ার পূর্বেই তিনি পুনঃরায় হঠাৎ করে বিদেশে চলে যান। পুনঃরায় অননুমোদিতভাবে বিদেশ চলে যাওয়ার কারণে এ বিভাগের ০১-০২-২০১৭ তারিখের ৩৫.০২২.০১৫.০০.০৭০.২০১০-৯৩ সংখ্যক প্রজ্ঞাপনমূলে প্রত্যাহারকৃত ১২-১২-২০১৬ তারিখের ৩৫.০২২.০১৫.০০.০০.০৭০.২০১০-৯৫৭ সংখ্যক প্রজ্ঞাপনে জারীকৃত চাকরি থেকে সাময়িক বরখাস্তের আদেশ ০২-০৩-২০১৭ তারিখে ৩৫.০২২.০১৫.০০.০৭০.২০১০-১৬০ স্মারকে পুনর্বহাল করা হয়। একইসাথে অননুমোদিতভাবে বিদেশ চলে যাওয়ায় তাঁকে প্রদত্ত উপ-বিভাগীয় প্রকৌশলীর চলতি দায়িত্ব অত্র বিভাগ কর্তৃক গত ১৬-০৩-২০১৭ তারিখ ৩৫.০২২.০১৫.০০.০৭০.২০১০-২০৫ সংখ্যক স্মারকে বাতিল করা হয়;

যেহেতু তাঁর উপর্যুক্ত কার্যকলাপের জন্য সরকারি কর্মচারী (শৃঙ্খলা ও আপীল) বিধিমালা, ১৯৮৫ এর বিধি ৩(বি) ও ৩(সি) অনুযায়ী যথাক্রমে অসদাচরণ এবং ডিজারশনের অভিযোগে অভিযুক্ত করে তাঁর বিরুদ্ধে বিভাগীয় মামলা নম্বর ০৩/২০১৭ রুজু করা হয়;

যেহেতু উক্তরূপ কার্যকলাপের জন্য সরকারি কর্মচারী (শৃঙ্খলা ও আপীল) বিধিমালা, ১৯৮৫ এর বিধি ৩ (বি) ও ৩ (সি) অনুযায়ী অভিযুক্ত করে কেন তাঁকে একই বিধিমালার ৪(৩)(ডি) বিধি অনুযায়ী চাকুরী হতে বরখাস্ত (dismissal from service) করা হবে না বা অন্য কোন উপযুক্ত শাস্তি প্রদান করা হবে না মর্মে বিগত ২৭-০৩-২০১৭ তারিখে রেজিস্টার্ড/এডি সহযোগে তাঁর সম্ভাব্য সকল ঠিকানায় অভিযোগনামা ও অভিযোগ বিবরণী প্রেরণ করত: তা প্রাপ্তির ১০ (দশ) কার্যদিবসের মধ্যে লিখিতভাবে জানানোর জন্য নির্দেশ দেয়া হয়। কিন্তু তিনি কোন জবাব প্রদান করেননি;

যেহেতু অভিযোগনামা, অভিযোগ বিবরণী ও সংশ্লিষ্ট কাগজপত্রাদি পরীক্ষান্তে বিভাগীয় মামলাটি তদন্তের প্রয়োজনীয়তা অনুভূত হওয়ায় যথাযথ প্রক্রিয়া অনুসরণপূর্বক জনাব মোহাম্মদ ফারুক হোসেন, উপসচিব, সড়ক পরিবহন ও মহাসড়ক বিভাগ-কে তদন্ত কর্মকর্তা নিয়োগ করা হয়;

অপর পৃষ্ঠা দৃষ্টব্য

যেহেতু তদন্ত কর্মকর্তা গত ০৩-১০-২০১৭ তারিখ তদন্ত প্রতিবেদন দাখিল করেন। তদন্ত প্রতিবেদনে অভিযুক্ত কর্মকর্তার বিরুদ্ধে আনীত 'ডিজারশন' ও 'অসদাচরণ' এর অভিযোগ সন্দেহাতীতভাবে প্রমাণিত হওয়ায় তাঁকে সরকারি কর্মচারী (শৃঙ্খলা ও আপীল) বিধিমালা, ১৯৮৫ এর বিধি ৪(৩)(ডি) মোতাবেক চাকুরী হতে বরখাস্ত (dismissal from service) গুরুদণ্ড আরোপের প্রাথমিক সিদ্ধান্ত গ্রহণ করা হয় এবং তাঁর বিরুদ্ধে কেন উক্ত গুরুদণ্ড আরোপ করা হবে না, সে মর্মে সরকারি কর্মচারী (শৃঙ্খলা ও আপীল) বিধিমালা, ১৯৮৫ এর বিধি ৭(৬) মোতাবেক ০৭ (সাত) কার্যদিবসের মধ্যে জবাব প্রদানের জন্য গত ১০-১০-২০১৭ তারিখে দ্বিতীয় কারণ দর্শানো নোটিশ তাঁর দাপ্তরিক, বর্তমান, স্থায়ী ও বৈদেশিক ঠিকানায় প্রেরণ করা হয়;


যেহেতু তাঁর নিকট হতে দ্বিতীয় কারণ দর্শানো নোটিশের জবাবও পাওয়া যায়নি। তদপ্রেক্ষিতে তাঁকে চাকুরী হতে বরখাস্ত করার সিদ্ধান্ত বহাল রেখে সরকারি কর্মচারী (শৃঙ্খলা ও আপীল) বিধিমালা, ১৯৮৫ এর বিধি ৪(৩)(ডি) অনুযায়ী চাকুরী হতে বরখাস্ত (dismissal from service) গুরুদণ্ড আরোপের বিষয়ে Bangladesh Public Service Commission (Consultation) Regulations, 1979 এর ৬ নম্বর রেগুলেশনের বিধান মোতাবেক বাংলাদেশ সরকারি কর্ম কমিশন এর মতামত চাওয়া হয়। বাংলাদেশ সরকারি কর্ম কমিশন কর্তৃক বেগম জোহরা সুলতানা (৬০২২০৩), সহকারী প্রকৌশলী (সিভিল) (সাময়িক বরখাস্ত), সড়ক ও জনপথ অধিদপ্তর, প্রধান প্রকৌশলীর দপ্তর সংলগ্ন ছুটি, প্রশিক্ষণ ও প্রেষণজনিত সংরক্ষিত (সিভিল) পদ, ঢাকা-কে চাকুরী হতে বরখাস্ত (dismissal from service) গুরুদণ্ড আরোপের সিদ্ধান্তের সাথে একমত পোষণ করে;

যেহেতু বেগম জোহরা সুলতানা (৬০২২০৩), সহকারী প্রকৌশলী (সিভিল) (সাময়িক বরখাস্ত), প্রধান প্রকৌশলীর দপ্তর সংলগ্ন ছুটি, প্রশিক্ষণ ও প্রেষণজনিত সংরক্ষিত (সিভিল) পদ, ঢাকা-কে সরকারি কর্মচারী (শৃঙ্খলা ও আপীল) বিধিমালা, ১৯৮৫-এর বিধি ৪(৩)(ডি) মোতাবেক চাকুরী হতে বরখাস্ত (dismissal from service) করার বিষয়টি মহামান্য রাষ্ট্রপতি সানুগ্রহ অনুমোদন করেছেন;

সেহেতু এক্ষণে বেগম জোহরা সুলতানা (৬০২২০৩), সহকারী প্রকৌশলী (সিভিল) (সাময়িক বরখাস্ত), প্রধান প্রকৌশলীর দপ্তর সংলগ্ন ছুটি, প্রশিক্ষণ ও প্রেষণজনিত সংরক্ষিত (সিভিল) পদ, ঢাকা-কে সরকারি কর্মচারী (শৃঙ্খলা ও আপীল) বিধিমালা, ১৯৮৫ এর বিধি ৪(৩)(ডি) মোতাবেক গত ২৫-০৭-২০১৬ তারিখ থেকে চাকুরী হতে বরখাস্তের (dismissal from service) গুরুদণ্ডে দণ্ডিত করা হল।

জনস্বার্থে জারীকৃত এ আদেশ অবিলম্বে কার্যকর হবে।

রাষ্ট্রপতির আদেশক্রমে



(মোঃ নজরুল ইসলাম)

সচিব

তারিখ : ২৪ ফাল্গুন ১৪২৪
০৮ মার্চ ২০১৮

নম্বর ৩৫.০০.০০০০.০২৮.২৭.০১৪.১৭-৭৭/১(১৪)

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হল (জ্যেষ্ঠতার ভিত্তিতে নয়) :

০১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়, ঢাকা
০২. মুখ্য সচিব, প্রধানমন্ত্রীর কার্যালয়, তেজগাঁও, ঢাকা
০৩. সিনিয়র সচিব, জনপ্রশাসন মন্ত্রণালয়, বাংলাদেশ সচিবালয়, ঢাকা
০৪. সচিব, জন বিভাগ, রাষ্ট্রপতির কার্যালয়, বঙ্গভবন, ঢাকা
০৫. সচিব, বাংলাদেশ সরকারি কর্ম কমিশন সচিবালয়, শের-ই-বাংলা নগর, আগারগাঁও, ঢাকা
০৬. অতিরিক্ত সচিব, সড়ক পরিবহন ও মহাসড়ক বিভাগ, সড়ক পরিবহন ও সেতু মন্ত্রণালয়, বাংলাদেশ সচিবালয়, ঢাকা
০৭. প্রধান প্রকৌশলী, সড়ক ও জনপথ অধিদপ্তর, সড়ক ভবন, তেজগাঁও, ঢাকা (প্রজ্ঞাপনটির সংক্ষিপ্ত সার উক্ত কর্মকর্তার PDS-এ অন্তর্ভুক্ত করার জন্য অনুরোধ করা হল)

অপর পৃষ্ঠা দৃষ্টব্য

০৮. যুগ্মসচিব (সজস গেজেটেড ও ঢাকা বিভাগ), সড়ক পরিবহন ও মহাসড়ক বিভাগ, সড়ক পরিবহন ও সেতু মন্ত্রণালয়, বাংলাদেশ সচিবালয়, ঢাকা (প্রজ্ঞাপনটি উক্ত কর্মকর্তার ব্যক্তিগত নথিতে সংরক্ষণের জন্য অনুরোধ করা হল)
০৯. মাননীয় মন্ত্রীর একান্ত সচিব, সড়ক পরিবহন ও সেতু মন্ত্রণালয়, বাংলাদেশ সচিবালয়, ঢাকা
১০. সচিবের একান্ত সচিব, সড়ক পরিবহন ও মহাসড়ক বিভাগ, সড়ক পরিবহন ও সেতু মন্ত্রণালয়, ঢাকা
১১. উপ-পরিচালক, বাংলাদেশ ফরমস্ ও প্রকাশনা অফিস, তেজগাঁও, ঢাকা (প্রজ্ঞাপনটি পরবর্তী গেজেটে প্রকাশ এবং প্রকাশিত গেজেটের ৫ (পাঁচ) কপি নিম্নস্বাক্ষরকারী বরাবর প্রেরণ করার জন্য অনুরোধ করা হল)
১২. বেগম জোহরা সুলতানা (৬০২২০৩), সহকারী প্রকৌশলী (সিভিল) (সাময়িক বরখাস্ত), প্রধান প্রকৌশলীর দপ্তর সংলগ্ন ছুটি, প্রশিক্ষণ ও প্রেষণজনিত সংরক্ষিত (সিভিল) পদ, সড়ক ভবন, তেজগাঁও, ঢাকা
১৩. সিনিয়র সিস্টেম এনালিস্ট, সড়ক পরিবহন ও মহাসড়ক বিভাগ, সড়ক পরিবহন ও সেতু মন্ত্রণালয়, বাংলাদেশ সচিবালয়, ঢাকা (প্রজ্ঞাপনটি ওয়েবসাইটে প্রকাশের জন্য অনুরোধ করা হল)
১৪. প্রধান হিসাবরক্ষণ কর্মকর্তা, সড়ক পরিবহন ও সেতু মন্ত্রণালয়, সিজিএ ভবন, সেগুন বাগিচা, ঢাকা


১৪.০৩.২০১৮

(মোহাম্মদ ফারুক হোসেন)
উপসচিব
ফোনঃ ৯৫৭৪৫৩৪